



partii naleraq

UKA 2017/120-00

25-10-2017

Naalagaaffiit Peqatigiit Nunarsuarmi piujuaannartitsineq tunngavigalugu ineriartortitsinissaq pillugu angunigagai Nunatsinni ineriartornermi Naalakkersuisullu sulinerannut qanoq ilanngunneqarnissaannik Inatsisartut oqallinnissaannik siunnersuut

(Inuit Ataqatigiit Inatsisartunut ilaasortaataitai)

Inuit Ataqatigiit Inatsisartunut ilaasortaataitaasa Naalagaaffiit Peqatigiit Nunarsuarmi piujuaannartitsineq tunngavigalugu ineriartortitsinissaq pillugu angunigagaannut Nunatsinni ineriartornermi Naalakkersuisullu sulinerannut qanoq ilanngunneqarnissaannik Inatsisartut oqallinnissaannik siunnersuutaannut qujalluta ippassaq immikkoortoq 14-imi Nunanut allanut tunngasutigut naalakkersuinikkut ingerlatsineq pillugu nassuiaammut oqaaseqaativut innersuussutigalugit oqallisissiaq Partii Naleraq sinnerlugu imannak oqaaseqarfigissuarput:

Nunarsuarmi piujuaannartitsineq tunngavigalugu ineriartortitsinissaq pillugu anguniakkat malinnaaffiginissaat soorunami Partii Naleqqamiit pingaartipparput. Nalunngilarpulli nunarsuarmi pissutsit assigiinngitsorujussuusinnaasut aamma nalunngilarput europami pissutsit nunarsuulluunniit sinnerani pissutsit nunatsinni pissutsinut tamatigut naleqqersuunneqarsinnaasanngitsut.

Naluneqanngitsutut nunarujussuarput pisuussutinik uummaatsunik uumassusilinnillu imaani nunamili peqarpoq naammattorsuarnik aamma tamakkiisumik atorneqanngitsunik.

Assersuutigisinnaavarput nunat nunatsinniit mikinerungaartut nunattalu imartaanik mikinerungaartumik imartallit aalisagartassinneqartarput nunatsinni pisassiissutinut naleqqiullugit ilaatigut quleriaatai sinnerlugit amerlanerusunik.

Sinerissap qanittuani qaleralinniarnermut tunngatillugu aamma peqassutsip illersorneqarnerunissaa eqqarsaatigalugu – avataani ilaatigut qalorsuarsorluni qaleralinniartarnerup sakkortuumik killilersorneqarnissaa piumasarisariaqarpoq, tassami ilisimatuut oqaatigisarpaat – sinerissap qanittuani qaleraleqarfiit avataaniit pilersorneqartut.

Aamma eqqaamasariaqarparput nunani allamiut puisinniartarnitsinnut akerliunerat pissutigalugu aningaasarsiornikkut piniartortatsinnullu sunniuteqarnerluttorujussuarmik pisoqarnikummat.

Taamaattumik pingaartumik europami pissutsinut naleqqussarniartarneq pissusissamisoornerpaatut isiginngilarput, soorunami paasissutissat suulluunniit pioreersut nunatsinnut naleqqussarlugit atorsinnaasarpavut, kisianni atagu nunarput inuilu pillugit maani siuariartornissatsinnut nunattalu ineriartorteqqinnissaanut tunngasut annerusumik aallutilaariartigit nunat allat naleqqussarfiginiaannarnagit.

Nunarput ineriartoqqinnissaminut, inuussutissarsiutitigit, ilinniartitaanikkut aningaasarsiornikkullu periarfissarpassuaqarpoq, taamaattumik uatsinnut tatigineruleqqittariaqarpugut, tassami nunatta naalagaaffinngornissaa pimoorullugu sulissutingaarput.

Taama naakkaluarmik oqallisissiamut saqqummiussaqaalarpugut.

Anthon Frederiksen